

Tchie Butty



Cment i d'moérôs en Laidjoux, è y aivait ènne solûchion tote tieûte : le maigaisîn d'Laijoux ! È n'y en é pus qu'un dâdonc qu'lai Coopé di Rémy Lovi ât çhô dâ 2001. C'n'était p' lai Coopé d'adjd'heû, c'était ènne coopérative tni pai des dgens d'Laidjoux. Ah, vôs peutes être chure qu'i étôs bîn hèyerouse de r'trovaie in p'tét maigaisîn mainme qu'èl était in pô pus grôs que çtu d'lai Didi.



En pus, tchie Butty, è y é des goloiyattes, des milfeuyats, des taitrelattes és aiméres oubïn és moûres èt pe chutot des truffes en lai damè !

Ç'ât l'chire Butty que fait l'pain èt pe les loitcheries. Tiaind te l'crouges le maitïn dains l'maigaisïn, ç'ât tiaind è r'monte dains son lodgement po dédjûnaie.

Ç'ât daimé Butty que bèye ïn cop d'main en son hanne èt peus que s'ottiupe de faire les commaines. I m'muse des côps que çoli ne dait p' être aidé aijie d'saivoi se les dgens vlant aitch'taie ou bïn nian. Çoli dépend di temps, des condgies, se les dgens sont bïn ou bïn mâ virie.



Ç'ât dains ci p'tét maigaisïn qui aî vétu ôtche de raïre : nôs s'sont r'trovès ïn djo, quaitre Agnès li-d'dains : l'Agnès Berberat lai vendouse, l'Agnès Véya lai baïchatte d'lai Marie di Paigre, l'Agnès Humair èt pe moi. Les dgens n'dyïnt pus ran, an oyait pus qu'des Agnès !